

Tratamentu di CapOx[®]

Capecitabine – Oxaliplatin



FUNDASHON **M**ARIADAL



Introdukshon

Den konsulta ku bo spesialisista bo a disidí ku pronto bo ta laga nan trata bo ku 'cytostatica' kimoterapia. E tratamentu aki ta enserá ku durante un periodo mas largu bo ta sigui un tratamentu ku remedinan ku ta frena e divishon di sélula.

Ya komo bo ta risibí hopi informashon, no ta fásil pa kòrda tur kos den un bia. P'esei a skibi e informashon aki, di manera ku bo por bolbe lesa tur kos trankil na kas.

Kon ta atministrá remedinan i ku ki frekuensia?

Ta duna e tratamentunan di CapOx® den siklo. Un siklo ta dura 21 dia (3 siman). Durante 1 siklo ta atministrá Oxaliplatin riba dia 1 i bo ta tuma capecitabine diariamente durante 15 dia (tum'e solamente mainta riba e di 15 dia). Despues di esaki ta sigui 1 siman di deskanso.

En prinsipio e siguiente siklo ta kuminsa 3 siman despues di dia 1, si bo resultadonan di sanger i bo estado general ta permití esaki.

E uso di e píldoranan ta bai na e siguiente manera:

- Ta tuma Capecitabine 2 bia pa dia ku 12 ora entre e dos usonan.
- Ta tuma Capecitabine huntu ku òf maksimalmente 30 minüt despues di un kuminda, un snèk òf pasaboka.
- Si bo a lubidá un dósis di Capecitabine, salta e ora ei e dósis lubidá i tuma e siguiente dósis na e tempu planiá.

Interakshon ku kuminda: durante e uso di Capecitabine evitá preparadonan a base di 'Sint-Janskruid' (yerba di San Juan).

Ku kua efektonan sekundario mi mester tene kuenta kuné?

Si bo tin molèster di efektonan sekundario, pone e enfermera na altura di esaki durante e siguiente tratamentu.

Posiblemente por hasi algu al respekto.

Efektonan sekundario

- Habrimentu di barika òf diarea
- Kehonan di doló riba e pechu (coronairspasme)
- Kambionan di kueru manera: Kueru seku, kaskamentu, grawatamentu, kueru rebultá
- Kambionan na kueru di e planta di man i planta di pia
- Walmentu di stoma i sakamentu
- Kambionan di smak i holó
- Inflamashon di e tehido di sleim oral (aften, herida den boka)
- Un kantidat disminuí di sélulanan di sanger blanku
- Un kantidat disminuí di sélulanan di sanger kòrá

- Un kantidat disminuí di plaketanan di sanger
- Kambionan di kabei, kabei ta bira ménos, kasi nunca pèrdida kompleto di kabei
- Kambionan di uñanan
- Konstipashon
- Sensashon di hinkamentu i dede i tenchinan ta bira manera dof
- Kansansio apnormal
- Sintimentunan di angustia, rabia òf fèrdrit
- Influenzia riba e seksualidat

Si bo tin pregunta i/òf kehonan, bo por tuma kontakto ku e enfermera di onkologia. Kende ta alkansabel durante dianan/orario di ofisina riba number: 780 0493.

Tin algun motibu pa yama e dòkter/enfermera di onkologia òf e hospital mesora. Lesa e formulario “Motibunan pa yama e enfermera di onkologia/dòkter.

Puntonan di atenshon tratamentu CapOx[®]

- Dor di e uzo di Capecitabine bo kueru ta hopi sensitivo pa rayonan di solo i bo por kima lihé. Protehá bo mes kontra e rayonan di solo i purba di evitá rayonan di solo direkto i indirekto mas tantu ku ta posibel.

- Den e promé oranan òf dianan despues di e atministrashon di Oxaliplatin bo por haña molèster di sensashonnan di hinkamentu/manera angua ta hinka bo, trastorno sensorial òf kram di múskulo den e garganta i den e kakumbein (tin ora tambe den e man i pianan). Especialmente frialdat (por ehèmpel airu ekterior friu, e mishimentu ku ophetonan friu, e bebementu di bibidanan friu) ta proboká òf empeorá e kehonan mas ainda. E síntomanan ta disparsé mayoria bia spontáneamente denter di un siman, pero hopi bia ta bolbe bini bek na e siguiente atministrashon. Trastorno sensorial den e garganta (dor di por ehèmpel bibida friu) por laga bo sinti bastante benout: dor ku e 'garganta ta bira dof' ta parse kasi manera bo no por hala rosea òf guli. E keho aki lo disparsé spontáneamente, pero ta hopi fèrfelu.
- Den e promé dianan despues di bo kimoterapia nos ta konsehá bo pa evitá frialdat. Evitá airu friu (por ehèmpel di e èrko, frishidèr òf di e frizer) òf bisti hanskun. Laba bo mannan ku awa kayente. No kome kuminda friu (por ehèmpel eis). No bebe bibidanan friu.
- E konsehonan pa evitá frialdat por parse kontrali na e konsehonan alrededor di kuido di man i pia.

Skema di uso remedi pa e pashènt

Orario di dia	Dia 1						Dia 2						Dia 3						Dia 4						Dia 5					
	8h		12		20		8h		12		20		8h		12		20		8h		12		20		8h		12		20	
Kontra di walmentu di stoma	Granisetron tabl. di 1 mg		1				1		1		1		1		1		1		1		1		1		1		1		1	
	Primperan tabl. di 10 mg.		1				1		1		1		1		1		1		1		1		1		1		1		1	
Kimoterapia	Oxaliplatin																													
	Capecitabine (Xeloda®)																													

Berde = Tuma tablèt

Blanku = Si ta nesesario tuma tablèt den kaso di walmentu di stoma.



FUNDASHON **M**ARIADAL

Publikashon: 12-2022